

**Velija Katica, gradski vijećnik**  
**Nuko Grebović Gradski vijećnik**

**Grad Sarajevo**  
**Gradsko vijeće**  
**n/p Predsjedavajući Gradskog vijeća, dr. Igor Gavrić**

Bosna i Hercegovina-Federacija Bosne i Hercegovine  
Kanton Sarajevo - GRAD SARAJEVO  
GRADSKO VIJEĆE

PRINJELO: 30. 09. 2018			
Org. jed.	Broj	Prilog	Vrijednost
01-05-02-624-1/18			J.P.

**Predmet:** Inicijativa za podršku projektu Sarajevskog dječjeg hora „PRINCESS KRAFNE“ (izrada 11 CD-a „Zašto volim ovaj grad“ sa pjesama posvećenim gradu Sarajevu, nastalim u periodu 1993-2017 godina) putem pokroviteljstva Grada Sarajeva  
Sarajevski dječji hor „PRINCESS KROFNE“ postoji i djeluje od 1993. godine. Scenskim nastupima i originalnim repertoarom koji obuhvata autorske kompozicije, pjesme za djecu, tradicionalne bosanskohercegovačke pjesme, domaće i svjetske pop-rok hitove, hor "PRINCESS KROFNE" postao je zaštitnim znakom u izvođačkom i autorskom smislu na prostoru BiH i van njenih granica, odgajajući generacije mladih od kojih su se mnogi i u profesionalnom smislu danas odredili prema muzici. U proteklih 25 godina, članstvom je kroz hor svojim prisustvom počastilo preko 5.500 djece uzrasta od 4-18 godina.

Svoje programske aktivnosti hor realizira kroz:

- koncertne aktivnosti u i van Bosne i Hercegovine (preko 2000 koncerata i nastupa),
- snimanjem studijskih audio i video materijala (10 CD-ova i 3 DVD-a sa 20 spotova),
- učestvovanjem na festivalima dječjeg muzičkog stvaralaštva i festivalima za mlade u Evropi i čitavom svijetu od Ankare, Istambula, Antalije, Šibenika, Tirane, Verone, Rima, Clermond, Ferranda, Roterdama, Štutgarta, San Rema, Podgorice, Zagreba, Beograda, Kopera...

Bili su gosti na velikim koncertima autora i izvođača iz regije: Kemala Montena, Arsena Dedića, Dine Merlina, Harija Mata Harija, Tonija Cetinskog, Miroslava Ilića, Gorana Bregovića, Zdravka Čolića, Jelene Rozge, Jelene Tomašević, " CRVENE JABUKE" "PRLJAVOG KAZALIŠTA", "PLAVOG ORKESTRA", te učesnici mnogobrojnih humanitarnih i kulturo-sportskih manifestacija.

J.P.PTT SAOBRAČAJA BiH, nastojeći obilježiti odlazak "PRINCESS KROFNI" na festival u Ankaru 1996. godine, uvrstilo je dječji hor na jednu od svojih prigodnih poštanskih markica. Sarajevski dječji hor registrovan je od 1999. godine kao Udruženje gradjana "PRINCESS KROFNE".

Prema mišljenju relevantnih kulturnih i javnih radnika, pedagoga, roditelja, a prije svega djece članova, "PRINCESS KROFNE" jesu kvalitetna vannastavna aktivnost i postoji više elemenata da i dalje nastave na ovaj na čin:

- veliki interes djece i roditelja (odraslih ) za ovakvu vrstu aktivnosti;
- promocijom tradicionalnih, pjesama za djecu, autorskih kompozicija hora, domaćih izvođača i autora i izvođača i autora iz regije i čitavog svijeta, popularnu muziku još više približiti djeci, sve one vrijednosati koje ta vrsta muzike donosi u tekstualnom i muzičkom smislu;
- otvaranje mogućnosti da djeca ostvaruju nove kontakte, druženja, te upoznavanje novog i drugačijeg.

U period od maja do septembra ove godine realizirat će se i organizirati promocija 11 CD-a "ZATO VOLIM OVAJ GRAD " sa četiri pjesme posvećene Sarajevu, na tekstove Velimira Miloševića, Mirsada Bećirbašića i Zlatka Bostandžića koje su nastale u periodu 1993-2017 godine kao jedna vrsta podsjetnika i dokumenta za sve ono što se dešavalo u proteklom periodu Sarajevu i Bosni i Hercegovini. Ovaj projekat je uvod u pripremu obilježavanja 25. godina njihovog rada i djelovanja, a obilježavanje godišnjica se planira krajem godine velikim koncertom u Sarajevskoj dvorani "MIRZA DELIBAŠIĆ".

Sva programska orijentacija hora usmjerena je predškolicima, u čenicima osnovnih i srednjih škola uz besplatnu podjelu CD-ova "PRINCESS KROFNI " i besplatan ulaz na sve koncerte. Gradska uprava je svih proteklih godina kroz razne projekte podržavali njihov rad.

Prijedlog je da Grad Sarajevo izdvoji 20.000,00KM kao generalni pokrovitelj projekta 11 CD-u "ZATO VOLIM OVAJ GRAD " sa pjesmama posvećenim Gradu Sarajevu i najmlađim sugrađanima.

Nuko Grebović, s.r.

Prof Dr. Velija Katica, s.r.

U Sarajevu, 30.05.2018. godine



---

*Odbor za društvene djelatnosti*

Broj: 04-GV-02-732-7/18  
Datum: 12.06.2018. godine

Odbor za društvene djelatnosti Gradskog vijeća Grada Sarajeva, na svojoj 17. sjednici održanoj 12.06.2018. godine, u funkciji pripreme za 17. sjednicu Gradskog vijeća Grada Sarajeva, razmatrao je:

7. Tekuća pitanja

i podnosi Gradskom vijeću Grada Sarajeva sljedeći:

*IZVJEŠTAJ*

*TAČKA 15.*


*Vijećnička pitanja i inicijative*

Poslije rasprave i sažetka Predsjedavajućeg, jednoglasno je usvojen sljedeći **zaključak**:

Odbor za društvene djelatnosti upućuje inicijativu da Gradsko vijeće svojim zaključkom zaduži Gradonačelnika da razmotri mogućnost da Grad Sarajevo sa 3.000,00 KM iz Budžeta Grada Sarajeva za 2018. godinu, podrži rad udruženja „Kolibri“.

*PREDSJEDAVAJUĆI ODBORA*

*Adnan Gušo, s.r.*





---

*Odbor za društvene djelatnosti*

Broj: 04-GV-02-732-8/18  
Datum: 12.06.2018. godine

Odbor za društvene djelatnosti Gradskog vijeća Grada Sarajeva, na svojoj 17. sjednici održanoj 12.06.2018. godine, u funkciji pripreme za 17. sjednicu Gradskog vijeća Grada Sarajeva, razmatrao je:

7. Tekuća pitanja

i podnosi Gradskom vijeću Grada Sarajeva sljedeći:

*IZVJEŠTAJ*

*TAČKA 15.*

*Vijećnička pitanja i inicijative*

Poslije rasprave i sažetka Predsjedavajućeg, jednoglasno je usvojen sljedeći **zaključak**:

Odbor za društvene djelatnosti upućuje inicijativu da Gradsko vijeće svojim zaključkom zaduži Gradonačelnika da, u suradnji s JP „Sarajevo“, d.o.o., organizira izlet za djecu s posebnim potrebama o kojima se brinu volonteri udruženja „Dajte nam šansu“ i „Kolibri“, ali i drugih udruženja u gradu Sarajevu.

*PREDSJEDAVAJUĆI ODBORA*

*Adnan Gušo, s.r.*



*Komisija za spomenike Gradskog vijeća*

Broj: 04-GV-02-760-4/18  
Datum: 19.06.2018. godine

Komisija za spomenike Gradskog vijeća Grada Sarajeva, na svojoj 16. sjednici održanoj 19.06.2018. godine, razmatrala je:

2. Informacija o toku realizacije podnesenih inicijativa za podizanje spomenika od značaja za Grad Sarajevo u tekućem i prethodnom mandatu Gradskog vijeća

i podnosi Gradskom vijeću Grada Sarajeva sljedeći:

*IZVJEŠTAJ*

*TAČKA 15.*

*Vijećnička pitanja i inicijative*

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike konstatira da određene inicijative za koje je utvrđeno da su od interesa za Grad Sarajevo, inicijatori nisu realizirali, te upućuje inicijativu Gradskom vijeću da zaduži Gradonačelnika da razmotri mogućnosti i predloži odgovarajuće akte kojima bi Gradsko vijeće odlučilo o tome da Grad Sarajevo bude, određenom dinamikom, nosilac realizacije projekata podizanja spomenika Kralju Tvrtku Kotromaniću, Isa begu Ishakoviću, ubijenim građanima Sarajeva 1992-1995 i Spomen obilježja ženi Sarajeva, Grahamu Bamfordu, te Esadu Arnautaliću, Kemal Montenu i Dariju Džamonji, a što podrazumijeva planiranje sredstava za realizaciju ovih projekata u kontinuitetu.

*PREDSJEDAVALA KOMISIJE*

*Enes Husejnović, s.r.*





---

*Komisija za spomenike Gradskog vijeća*

Broj: 04-GV-02-760-5/18

Datum: 19.06.2018. godine

Komisija za spomenike Gradskog vijeća Grada Sarajeva, na svojoj 16. sjednici održanoj 19.06.2018. godine, razmatrala je:

2. Informacija o toku realizacije podnesenih inicijativa za podizanje spomenika od značaja za Grad Sarajevo u tekućem i prethodnom mandatu Gradskog vijeća

i podnosi Gradskom vijeću Grada Sarajeva sljedeći:

*IZVJEŠTAJ*

*TAČKA 15.*

*Vijećnička pitanja i inicijative*

Poslije kratkih uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike upućuje inicijativu Gradskom vijeću da zaduži Gradonačelnika da, pri predlaganju Budžeta Grada Sarajeva za 2019. godinu, planira sredstva na posebnoj stavci za provođenje Odluke o spomenicima od značaja za Grad Sarajevo, koordinirano sa godišnjim programiranjem održavanja spomenika.

*PREDSJEDAVAJUĆI KOMISIJE*

*Enes Husejnović, s.r.*

